

四庫全書

集部

欽定四庫全書

集部

文苑英華卷一百

三十八至  
三十三

詳校官內閣學士臣瑞保

助教臣常循覆勘

總校官進士臣朱鈺

校對官編修臣于鼎

謄錄監生臣賀英

欽定四庫全書

文苑英華卷一百二十八

宋 李昉等 編

遊覽二

登故宜城賦一首

汝州薛家竹亭賦一首

出門賦一首

將歸賦一首

泛渭賦一首

洛川晴望賦一首

登吳嶽賦一首

過驪山賦一首

登故宜城賦

丙申歲避地襄陽見召掌節度書記陪幕府源公赴江陵作

蕭穎士

升彼墟兮遐眺荆江通曠樊沔頽沲以隱嶙歌缺而岷

嶠野茫茫其靡極何人戶之單尠悵青春集作陽兮始交

又白日兮其集作將晚悲世事之艱阻慨征途之未返憑

寒臯以盡目究林莽之深淺烟迴起於殘燎鳥群飛於

絕巘曾是感時而戀舊孰不酸辛而僂僂也矧乎寓縣

垂刺闕河阻遏去枌榆兮地表離集作望骨肉兮天末涕

橫墮集作臆而若注懷永痛其集作兮如割悠悠蒼天不日

不月曷其有佻撫艱勤之此土偶四海集作絕而承平方

神武之君臨尚未遑於戢兵警山戎之外虞重燕代之

專征整帑藏之實窮干甲之精陸隘幽冀水填滄溟集作

瀛其為盛也入師長於庶僚出董率於連城冢婦降於

集作乎王姬餘子超乎正卿睚眦則決日誅夷攀附則累

歲尊榮玉帛車輿鍾鼓臺亭煥赫而鏗鈞三十年中初

不戒其滿盈終大都之偶國逸漏網之奔鯨潰亂集作橫潰

河淇虔劉汴滎覆東洛隳陝垆抗靡堅陣守無完營呼

吸三旬遂至

至字集作陵憑

乎上京燿燧燭於王宮潼關為之

晝扃暨而將吏遁竄烝民駭散崩騰郡邑空闕閭閻荒

涼我汝潁牢落我睢渙傳置載馳於商鄧兵符薦集於

淮漢彼邦畿之尹守藩牧之垣翰莫不光膺俊選踐履

清貫榮利益乎姻族繁華恣

集作極

其侈翫或拘囚就戮

或胥附從亂曾莫愧其愚懦又奚聞於殉難甚乎昔先

王之經國仗文武之二事苟茲道之不墜實經天而緯

地邦家可得而理禍亂無從而至今執事者反諸而儒

書是戲蒐狩鮮

集作罕

備忠勇翳鬱澆風

集作浮

橫肆蕩然

一變而風雅殄瘁故時平無直躬之吏世難無死節之  
帥其所由來者尚矣不其哀哉變之始也予旅寓於淇

園初提挈而南奔崩波滑臺逼迸夷門亡車徒於鼎城

集作域

擯圖籍於輓轅背維嵩遵汝濟

集作墻

迴環乎邾葉

飄泊乎穰宛嗟歲聿

集作律

之云暮結窮陰之涸涸市

集作

野

蕭條以罕人盜充斥以盈路微奔走之僕御有啼呼

之幼孺川層冰而每涉塗積雪而猶步晝兮夜兮曾莫

解於

子集作

馳騫惟寢與食曷嘗忘於

其集作

恐懼略南鄉

之左鄙凌北津之勁

集作而徑

渡偉夫峴首之為鎮也峻隅

百雉危甍萬井森松篁之蒼蔚劃鄜街以周整前山縈

依而秀拔

集作聳

斜漢杳映以清迥杭稊蔗橘雜荆衡之

蓄桑麻黍粟侔冀魏之境漢之盛也侈

集作楹

南國之冠

蓋晉之衰也為北門之捍屏今方嶽之仁明惠久要於

平生幸羈旅而獲宥旋載筆於戎旌陪後車乎南紀儼

四牡以專征歷墮墉而訊諸乃楚鄢之遺城昔

集作在

漢



皇之標季間諸侯之釋位聞景升之是牧歎興廢於茲

地其後綏懷勁楚抗折

集作  
術

強魏雄九域以高視為一

方之所

集作  
大

庇亦謀猷所賴而致也于時寇盜蜂聚生

民失土賢雖避世才亦擇主有卧龍之奇英

集作  
英彥

視江

漢而胥宇遭劉后之側席聿疇咨於草莽若游魚之在

集作  
有

水尚三顧而後語其始也亦將稜威漢沔用武荆

楚俟時觀釁終然義舉然後包并

集作  
并包

河洛盪滌陳汝

迎帝配天不失厥序既中流之顛覆故宏筭而垂

集作  
遂

阻信關侯之忠勇亦天心之所與猶復廓邛岷之險奮

實濮之旅鋪敦隴阨震懾集作闕輔致中原於旰食振

衰集作漢之遺緒洗洗乎俾千祀而景慕宜其易名於

忠武不其偉歟方其躬耕漢渚獨詠梁甫輕夫管樂莫

之云許伊唱高而和寡亦惆悵於前古道不同不相為

謀斯之謂矣荆雲兮蔽虧朔鴈兮差池雲有迴兮鴈

有歸嗟予行兮愴遲遲諒窮愁兮莫諉雖九醞兮奚

施

汝州薛家竹亭賦

王冷然

梁

疑作汝

穎多士聞來久矣出伊洛以南遊登嵩峴以頽

視信乎精華實息恢怪森起惟萬戶與千門咸帶山而  
傍水畿甸殷壯閭閻密邇當天象之西郊近皇居之百  
里其人和而賢俊其地厚而淳美則吾先文王行化之  
始烈祖成王定鼎於此宜其蕃我良能誕生君子世序  
雖遠英靈不窮其氣渾渾其光雄雄橫古今而特秀者  
惟我薛公卜幽棲於汝北夷疑舊業於河東夫其禮樂

成器清明在躬官非

一作百官

稱才吾不謂之仕官人非克

已吾不謂之交通處未全隱和而莫同且欲墀岬崿苑

蒙籠閒亭一所修竹一叢蕭然物外樂自其中其竹也

初栽尚少未長仍小雜以喬木環為曲沼遵遠水以澆

浸編長欄而護遠向日森森當風嫋嫋勁節迷其寒燠

繁枝失其昏曉踈莖歷歷旁見人交葉重重上聞鳥其

亭也溪左巖右川空地平材非難得功則易成一門四

柱石礎松檺泥含椒氣瓦覆苔青纔容小榻更設短屏

後陳酒器前開藥經薛公謂子曰自造此亭未有茲客  
跪而應曰自從為客未見此亭既而物且遍好多能所  
造亭間坐卧清戶開而向林門下往來翠陰合而無草  
禁行路使勿伐命家僮使數掃遊子見而忘歸居人對  
而遺老余何為者累載棲遑學應成癖走則非狂宇宙  
至寬顧立錐而無地公卿未識久彈鋏而辭鄉一見竹  
亭之美竟嗟嘆而成章

出門賦

歐陽詹

出門辭家兮人有志而思

一作斯

逞子紛然以遠遊別天

性之至慈去人情之好仇嚴訓誡予以勿久指蒲柳以

傷秋弱室咨子以遠歸目女蘿而起愁心眷眷以纏綿

淚浪浪而共流愴懷安以敗名曾何可以少留於是驅

忠信以為車執藝業以為贄越三江踰五嶺望堯旌以

求試庶以程功取爵建德揚名獲甘旨以報勤光晝錦

以迴衡如弧斯張如鳥斯征射百步而期中非

一作飛

三

年而不鳴

一作必鳴

飈飈天寒崢嶸歲晚鵲聯翩而

一作以

不

定蓬悠揚而自轉逮前程之尚遙顧所離而日遠事紛

拏以爭校

一作拔

情交戾而不和退藩籬則弱羽戀於雲

路激龍門則纖鱗限乎尺波身遠日日之晨昏懷戀戀

而莫遣親益年年之羸老思搖搖而若何慙靈輒於困

窮舉冀缺於壠畝一仁聲之永大一孝德之茲久伊錫

類以拯窮豈今無而昔有爾乃循否泰而俟命點

一作然

風塵以食

一作愴

艱苟䟽溟而納流願覆簣以成山路實

多歧絲無定色任玄黃之濡染信疆理之南北管因媒

而解縛越自遇而升車虞先榮而後悴美一作善始卷而  
終舒傷哉數子之稅駕吾未知其所如

將歸賦

歐陽詹

憶求名于薄藝曾十稔以別離纔還鄉以一作之半齡又

三年于路岐紅顏始一作匪長白日如馳苒苒皆盡悠悠

為誰親有父母情有閨闈一作惟居唯一作雖苦饑行加相

思加相思兮寧苦饑辭家千里兮欲一作心與偕歸南陔

一作省之蘭北一作東山之薇一芳一菲何是何非歸去來



兮秋露露衣

凡一作皆集本

泛渭賦

并序

白居易

右丞相高公之掌貢舉也予以鄉貢進士舉及第  
左丞相鄭公之領選部也予以書判拔萃選登科  
十九年天子並命二公對掌鈞軸朝野無事人物甚安  
明年春予為校書郎始徙家於一無此字秦中卜居於渭上  
樂時和歲稔萬物得其宜下樂名遂官閒一身得其所

既美二公佐清淨

一作朝

之理又荷二公垂特達之遇

一作

思發於嗟嘆流為詠歌于時泛舟於渭因作為

一作

泛渭

賦以導其意詞曰

亭亭華山下有人跂兮望兮愛彼三峯之白雲泛泛渭

水上有舟沿兮沂兮愛此

一作被

百里之清流以我為太

平之人兮得於斯而優遊又感陽春之氣熙熙兮樂天

和而不憂曰予生之幸

一作年

兮時哉時哉當皇唐受命

之九葉兮夷與華而無氛埃及皇帝繼位之二紀兮命

高與鄭為鹽梅二賢兮爰立四門兮大開凡讀儒書與

履儒行者率充賦而西一作來雖片藝而必收兮故不

棄予之小才感再遇於知己心慙忤以徘徊登予名於

太常兮一無署予職於蘭臺臺有蘭兮閣有芸芸芳菲

一作芳兮其可襲備一官而無事又不維而不繫家去

省兮百里每三旬而兩一作入川有渭兮山有華澹悠

悠兮一無其可賞目白雲兮漱清流且一作或偃而或

仰門去渭兮百步長一日而三往夜分兮扣舷天無雲

兮水無煙遲遲兮明月波灩澹

澹一作灩澹

兮棹黃緣日暮兮

舟泊草萋萋兮沙漠漠習習兮春風岸柳動兮渚花落

發浩嘆

一作歌

以長引舉濁醪而緩酌春冉冉其將盡子

何為乎不樂鳥樂兮雲際鳴嚶嚶兮飛裔裔魚樂兮泉

底著撥撥兮尾漱漱我樂兮聖代心融融兮神泄泄伊

萬物各得其樂者由賢聖之相契賢致聖於無為聖致

賢於既濟凝為和兮聚五福發為春兮銷六沴不我後

兮不我先適當我兮生之世彼鱗蟲兮與羽族咸和樂

而不知惠我為人兮最靈所以愧賢相而荷聖帝樂乎  
樂乎浴一作沉于渭兮詠而歸聊逍遙以卒歲

洛川晴望賦

以願拾青  
紫為韻

金商應律玉斗西建加旬雨之時晴叶秋成而適願是  
用步閭里詢黎獻皇風演溢歌且聽於昇平聖澤汪洋  
誦不聞於胥怨爾乃命親懿會朋執賦邛山眺洛邑天  
沈寥而雲靜氣肅殺而風急山川浩浩以奔流雙闕峨  
峨而屹立飛梁徑度訝殘虹之未消翠瓦光凝驚宿雨

之猶濕嘉三時之是務觀五穀之斯入覽滌場之在  
勤知滯穗之見拾及夫日色黯黯寒光熒熒遠水澄碧  
羣山結青山水隱映花氣一作氣氤冥疑瞻上陽之宮闕  
兮勝仙家之福庭望中嶽之林嶺兮似天台之翠屏宜  
其迴鑿輿兮檢玉牒朝千官兮御百靈使西賓之誇少  
弭東人之思攸寧不亦盛哉客有感陽舒詠樂只揮毫  
翰獨徙倚願得抆於芻蕘終期拾乎青紫

登吳嶽賦

以崇巖險固永鎮西疆為韻

周 鉞

吾嘗文戰將北羈遊極西覩吳嶽之孤峭計群山之莫

齊由是邈崖谷遂攀躋入雲靄出塵泥既臻頂上用疑

明視天倪鴈塞殊小峨眉甚低蓋以氣壯神扶雄標國

祚揖白帝兮不見抱皇城而自固嵐光擁翠拓開霄漢

之心岫色橫空鎖斷戎夷之路巒嶂旁竦宮堦上干碧

草春含清風夏寒遙瞻魏闕迥立煙巒疑超洞府謂在

天壇中隱深溪日月之光不到外連層阜龍蛇之勢斯

蟠當其區宇正寧氛埃初見覽造化之宏制識乾坤之

設險汧水縈盈而線走隴山列崑而螺掩西窺劔閣霜  
地表之千鐔東瞰蓬萊黛波間之數點遐徵衆嶽式竝  
隆崇彼皆受封於百代此獨不視於三公森笋立以削  
成寧慙太華黯雲疑而化出豈讓維嵩况乎萬仞凌虛  
千里倒影虎踞華裔鯨吞遐境疊巘攢壁廻巖列屏捍  
絕域以增隘固中原之甚永直使以禮賓九有仁服八  
荒臂一作賢以為輔弼宅道以作封疆亦須假我嚴衛  
憑我巨防週藩垣於都邑遠隔闕於氐羌吾唐重其功



業

疑作崇

其鎮爰升成德之號用補極天之峻小儒是以

竟日興感抽毫賦韻登詠畢兮巖岑指長安而後進

過驪山賦

以陵摧國歿永紀窮塵為韻

徐寅

六國血于秦秦皇還化塵塵驚而為楚為漢路在而今  
人古人但見愁雲黯慘疊嶂嶙峋時遷而金石非固地  
改而荆榛旋新愚聞周衰則避債登臺秦暴則焚書建  
國貴螻蟻於人命法豺狼於帝德兩曜昏翳九圍傾側  
扶桑幾里我鞭石以期通溟海幾重我驅山而要塞慘

慘玄穹嗷嗷七雄三農百穀以休務淬鐵磨金而獻功

九州病萬室空韓趙魏以文疑滅楚燕齊而坐窮家有

子兮誰得孝國有臣兮爭敢忠九野分將焉作兆民之

主諸侯吞盡方行天子之風星隕九霄城長萬里血染

草木肉肥蛇豕將欲手挂天刃足挑地紀拙虞舜而短

唐堯汚殷辛而長夏癸禍從疑殃催川搖嶽摧金陵之

王氣頓起蓬島之宮娥不來黔首求主蒼旻降災天疑

漢之龍髯條斷沙丘之鮑臭誰猜魑魅諸夏腥羶九垓

於是宅彼囹圜兆斯陵闕猶驅六宮以殉葬豈言蔓草  
之縈骨嫌示儉於當時更窮奢於既歿融銀夜雪䟽下  
地之江河帖玉懸珠皎窮泉之日月喋喋層層不寤不  
崩斯高之喉舌方滑劉項之雲雷忽一作化興軹道一朝  
墮獻漢家之主驪山三月火燒秦帝之陵今則草接平  
原煙蒙翠崩想秦史以神竦弔秦陵而恨永華清宮觀  
鑠雲霓作皇唐之勝景

文苑英華卷一百二十八

欽定四庫全書

文苑英華卷一百二十九

宋 李昉等 編

哀傷一

愍時賦一首

哀江南賦一首

傷心賦一首

愍時賦

并序

梁宣帝

于謹平梁之後闔城長幼被虜入關又失襄陽故地乃  
曰恨不用尹德毅言以致於是又見邑居殘毀干戈日

尋耻威略不振常懷憤懣乃著愍時賦以見其意詞曰  
嗟余命之殊薄實賦運之逢屯既殷憂而彌歲亦坎墮  
而相隣晝營營而至晚夜耿耿而通晨望否極而反泰  
何杳杳而無津悲晉璽之遷趙痛漢鼎之移新無田范  
之明略愧夷齊之得仁遂胡顏而苟免謂小屈而或伸  
豈妖泯之無已何國步之長淪恨少生而怯弱本無志  
於爪牙謝兩章之雄勇惡二策之英華豈三石於鄠杜  
異五馬於瑯琊直受性而好善類蓬生之在麻冀無咎

而霑慶庶保靜而蠲邪何昊穹之不惠值上帝之紆奢  
神州鞠為茂草赤縣遶於長蛇徒仰天而太息空撫襟  
而咨嗟伊古人之有懷尚或感於知己况華萼聯於霄  
極寵渥流於無已或小善而必褒時片言而見美昔待  
罪於禹州歷三考而見紀一作無獲免戾於明時遂超隆  
於宗子始解印於稽山即驅傳於襄水彼南陽之舊國  
實天漢之嘉祉既川嶽之形勢復龍躍之基址此首賞  
之謬及謂維城之足恃值諸侯之攜貳遂留滯於楚川

等勾踐之絕望同重耳之終焉望南枝而灑泣或東顧而潺湲歸歟之情何極首丘之思邈然忽值魏師入討于彼南荆既兵車之赫赫俄伐鼓而凌城同寤生之舍許等小白之全邢伊社稷之不泯實有感於生靈伊吾人之困陋本漂泊於流萍忽沉滯於茲土復歲月而無成昔千乘之畿甸今七里而盤紮寡田邑而可賦闕丘井而求兵無河內之資峙同滎陽之未平夜騷騷而擊柝晝了了而揚旌烽連雲而廻照馬伏櫪而悲鳴既有



懷於斯日亦焉得而云寧彼雲夢之舊都乃標竒於昔  
者驗徃記以瞻今何名高而事寡寂寥井邑荒涼原野  
徒揄揚於宋玉空嗟咨於司馬南方卑而歎屈長沙濕  
而悲賈余國家之俟匡庶興周而祀夏忽縈憂於此屈  
宣年華之天假加以狗盜鼠竊蜂蠆狐狸羣圍隸而為  
寇聚滅獲而成師窺臨津渚跋扈江湄屢征筆於殷歲  
頻戰起於軒時有扈興於夏典采芑善於周詩方叔振  
於蠻貊伯禽捷於淮夷在逋穢其能幾會斬馘而塞旗

彼積惡之必稔豈天靈之可欺交川路之云擁疑理惆  
悵而未怡

哀江南賦

并序

庾信

粵以戊辰之年建亥之月大盜移國金陵瓦解余乃竄  
身荒谷公私塗炭華陽奔命有去無歸中興道銷窮于  
甲戌三日哭于都亭三年囚於別館天道周星物極不  
反傳變之但悲身世無處求生袁安之每念王室自然  
流涕昔桓君山之志事杜元凱之平生竝有著書成能

自序潘岳之文彩始述家風陸機之詞賦先陳世德信

年始二毛即逢喪亂狼狽流離至於暮齒燕歌

類聚作河遠

別悲不自勝楚老相逢泣將何及畏南山之雨忽踐秦

庭讓東海之濱遂飡周粟下亭漂泊高橋羈旅楚歌非

取樂之方魯酒無忘憂之用追為此賦聊以記言不無

危苦之詞唯以悲哀為主日暮塗遠人間何世將軍一

去大樹飄零壯士不還寒風蕭瑟荆璧睨柱受連城而

見欺載書橫階捧珠盤而不定鍾儀君子入就南冠之

囚季孫行人留守西河之館申包胥之頓地碎之以首  
蔡威公之淚盡加之以血釣臺移柳非玉闕之可望華  
亭鶴唳非河橋之可聞孫策以天下為三分衆纔一旅  
項籍用江東之子弟人唯八千遂乃分裂山河宰割天  
下豈有百萬義師一朝卷甲芟夷斬伐如草木焉江淮  
無涯岸之阻亭壁無藩籬之固頭會箕歛者合從締交  
鋤耨棘矜者因利乘便將非江表王氣終于三百年乎  
是知併吞六合不免軼道之災混一車書無救平陽之

禍嗚呼山嶽崩頽既履危亡之運春秋迭代必有去故  
之悲天意人事可以悽愴傷心者矣况復舟楫路窮星  
漢非乘槎可上風颺道阻蓬萊無可到之期窮者欲達  
其言勞者須歌其事陸士衡聞而撫掌是所甘心張平  
子見而陋之固其宜矣

我之掌庾承周以世功而為族經邦佐漢用論道而當  
官稟嵩華之玉石潤河洛之波瀾居負洛而重世邑臨  
河而晏安逮永嘉之艱虞始中原之乏主民枕倚於墻

壁路交橫於豺虎值五馬之南奔逢三星之東聚彼凌  
江而建國始播遷於吾祖分南陽而賜田裂東嶽而胙  
土誅茅宋玉之宅穿徑臨江之府水木交運山川崩竭  
家有直道人多全節訓子見於純深事君彰於義烈新  
野有生祠之廟河南有胡書之碣况乃少微真人天山  
逸民階庭空谷門卷蒲輪移談講樹就簡書筠降生世  
德載誕貞臣文詞高于甲觀模楷盛於漳濱嗟有道而  
無鳳歎非時而有麟既奸回之音備匿終不悅於仁人

王子洛濱之歲蘭成射策之年始含香於建禮仍矯翼  
於崇賢遊沅雷之講肆齒明離之宵筵既傾蠡而酌海  
遂測管而窺天方塘水白釣渚池圓侍戎韜於武帳聽

雅曲於文絃乃解懸而通籍遂崇文而會武居笠轂

左傳

宣四年以  
貫笠轂

而掌兵出蘭池而典午論兵於江漢之君拭

玉於西河之主于時朝野歡娛池臺鐘鼓里為冠蓋門  
成鄒魯連茂苑於海陵跨橫塘於江浦東門則鞭石成  
橋南極則鑄銅為柱橋則園植萬株竹則家封千戶西

賁浮玉南琛沒羽吳歛越吟荆艷楚舞草木之遇陽春  
魚龍之逢風雨五十年中江表無事王歛為和親之侯  
班超為定遠之使馬武無預於甲兵馮唐不論於將帥  
豈知山嶽闐然江湖潛沸漁陽有閭左戍卒

一作兵離石

有將兵都尉天子方刪詩書定禮樂設重雲之講開士  
林之學談劫燼之灰飛辯常星之夜落地平魚齒城危  
獸角卧刁斗於滎陽絆龍媒於平樂宰衡以干戈為兒  
戲縉紳以清談為廟略乘瀆

一作海

水以膠船馭奔駒以



朽索小人則將及水火君子則方成猿鶴弊單不能救  
鹽池之鹹阿膠不能止黃河之濁既而魴魚頰尾四郊  
多壘殿狎江鷗宮鳴野雉湛盧去國餘艤失水見被髮  
於伊川知百年而為戎矣彼姦逆之熾盛久遊魂而放  
命大則有鯨有鯢小則為梟為獍負其牛羊之力凶其  
水草之性非玉燭之能調豈璿璣之可正值天下之無  
為尚有欲於羈縻飲其琉璃之酒賞其虎豹之皮見胡  
柯於大夏識烏卵於條枝豺牙密厲虺毒潛吹輕九鼎

而欲問聞三川而遂窺始則王子召戎姦臣介冑既官  
政而離邊遂師言而泄漏望廷尉之逋囚反淮南之窮  
寇出狄泉之蒼鳥起橫江之困獸地則石鼓鳴山天則  
金精動宿北闕龍吟東陵麟鬪爾乃桀點構扇憑陵畿  
甸擁狼望於黃圖填廬山於赤縣青袍如草白馬如練  
天子履端廢朝單于長圍高宴兩觀當戟千門受箭白  
虹貫日蒼鷹擊殿竟遭夏臺之禍終視堯城之變官守  
無奔問之人干戚非平戎之戰陶侃空爭米船顧榮虛

搥羽扇將軍死綏路絕長圍烽隨星落書逐鳶飛遂乃韓  
分趙裂鼓卧旗折失羣班馬迷輪亂轍猛士嬰城謀臣  
卷舌昆陽之戰象走林常山之陣虵奔穴五郡則兄弟  
相悲三州則父子離別護軍慷慨忠能死節三世為將  
終於此滅濟陽忠壯身參末將兄弟三人義聲俱唱主  
辱臣死名存身喪敵人歸元三軍悽愴尚書多筭守備  
是長雲梯可拒地道能防有齊將之閉壁無燕師之臥  
墻大事去矣人之云亡申子奮發勇氣咆哮實總元戎

身先士卒宵落魚門兵填馬窟屢犯通中頻遭刮骨功  
業天枉身名埋沒或以隼翼鷄披虎威狐假沾漬鋒鏑  
脂膏原野兵弱虜強城孤氣寡聞鶴唳而心驚聽胡茄  
而淚下據神亭而亡戟臨橫江而棄馬崩於鉅鹿之沙  
碎於長平之瓦於是桂林顛覆長洲糜鹿潰潰沸騰茫  
茫塲黷塲楚錦切出功臣贊天地離阻人神慘酷晉鄭  
靡依魯衛不睦競動天關爭迴地軸探雀穀而未飽待  
熊蹯而詎熟乃有車側郭門筋懸廟屋鬼同曹社之謀

人有秦庭之哭爾乃假刻璽於闕塞稱使者之酌對逢  
鄂坂之譏嫌值郾門之征稅乘白馬而不前策青驄而  
轉礙吹落葉之扁舟飄長風於上游彼鋸牙而鈎爪又  
巡江而習流排青龍之戰艦鬪飛鷺之船樓張遼臨於  
赤壁王濬下於巴丘乍風驚而射火或箭重而回舟未  
辨聲於黃蓋已先沉於杜侯落帆黃鶴之浦藏船鸚鵡  
之洲路已分於湘漢星猶看於斗牛若乃陰陵路絕一作  
失釣臺斜趣望赤壁而沾衣樣烏江而不渡雷池柵浦

鵠陵焚戍旅舍無煙巢禽無樹謂荆衡之杞梓庶江漢  
之可恃淮海維揚三千餘里過漂渚而寄食託蘆中而

渡水

吳越春秋伍子胥事

屈于七澤濱于十死嗟天保之未定見

殷憂之方始本不達於危行又無情於祿仕謬掌衛於

中軍悞

一作濫

尸丞於御史信生世等於龍門辭親同於

河洛奉立身之遺訓受成書之顧託昔三世而無慙今

七葉而方落泣風雨於梁山惟枯魚之銜索入

一作歌

斜之小徑掩蓬藿之荒扉就汀洲之杜若待蘆葦之單

衣于時西楚霸王劍及繁陽鏖兵金匱校戰玉堂蒼鷹  
赤雀鐵舳牙檣沉白馬而誓衆負黃龍而渡江海潮迎  
艦江萍送王戎車屯于石城戈船掩于淮泗諸侯則鄭  
伯前驅盟主則荀瑩暮至剖巢燻穴奔魑走魅埋長狄  
於駒門斬蚩尤於中冀然腹為燈飲頭為器直虹貫壘  
長星屬地昔之虎踞龍盤加以黃旗紫氣莫不隨狐兔  
而窟穴與風塵而殄悴西瞻博望北臨玄圃月榭風臺  
池平樹古倚弓於玉女窻扉繫馬於鳳凰樓柱仁壽之

鏡徒懸茂陵之書空聚若夫立德立言謨明寅亮聲超  
於繫表道高於河上更不遇於浮丘遂無言於師曠以  
愛子而託人知西陵而誰望非無北闕之兵猶有雲臺  
之仗司徒之表裏經綸狐偃之惟王實勤橫琯戈而對  
霸主執金鞭一作鼓而問賊臣平吳之功壯於杜元凱王  
室是賴深於温太真始則地名全節終則山稱枉人南  
陽一作南山校書去之已遠上蔡逐獵知之何晚鎮北之負  
譽矜前風飈凜然水神遭箭山靈見鞭是以蝨熊傷馬



浮蛟沒船才子併命俱非百年中宗之夷凶靖亂大雪  
冤耻去代却而承基遷唐郊而纂祀反舊章於司隸歸  
餘風於正始沉猜則方逞其欲藏疾則自矜於已天下

之事沒馬諸侯之心搖矣既而齊交北絕秦患西起况

背闕

類聚  
作闕

而懷

一作  
壞非

楚異端委而開吳驅綠林之散卒

拒驪山之叛徒營軍梁澆蒐乘巴渝問諸淫昏之鬼求

諸厭劾

一作  
禱

之巫荆門遭廩延之戮夏口濫遠泉之誅

蔑因親以致愛恐和樂於彎弧既無謀於肉食非所望

於論都未深思於五難先自擅於三二一作端登陽城而

避險卧砥柱而求安既言多於忌刻實志勇而刑殘但  
坐觀於時變本無情於急難地惟黑子城猶彈丸其怨  
則躅其盟則寒豈寬禽之能塞海非愚叟之可移山况  
以沴氣朝浮妖精夜殞赤烏則三朝夾日蒼雲則七重  
圍軫亡吳之歲既窮入郢之年斯盡周含鄭怒楚結秦  
寬有南風之不競值西隣之責言俄而梯衝亂舞冀馬  
雲屯伐秦車於暢轂沓漢鼓於雷門下陳倉而連弩渡

臨晉而橫船雖復楚有七澤人稱三戶箭不麗於六麋  
雷無驚於九虎辭洞庭兮落木去涪陽兮極浦熾火兮  
焚旗貞風兮害蟲乃值玉軸揚灰龍文折柱下江餘城  
長林故營徒思拊馬之秣

公羊傳圍者拊馬而秣之

兵章曼支

一作枝

以韞走宮之竒以族行河無冰而馬

渡關未曉而鷄鳴忠臣解骨君子吞聲章華望祭之所  
雲夢偽遊之地荒谷縊於莫敖冶父囚於羣帥硯窞摺  
拉鷹鷂批擗冤霜夏零憤泉秋沸城崩杞婦之哭竹染

湘妃之泪水毒秦涇山高趙陘十里五里長亭短亭饑  
隨蟄驚暗逐流螢秦中水黑關上泥青于時瓦解冰泮  
風飛電散渾然千里溜澠一亂雪暗如沙冰橫似岸逢  
赴洛之陸機見離家之王粲莫不聞隴水而掩泣向關  
山而長嘆况復君在交河妾在清波石望夫而逾遠山  
望子而逾多才人之憶代郡公子之去清河一作  
相陽揚  
亭有離別之賦臨江王有愁思之歌別有飄飄武威羈  
旅金微班超生而望返溫序死而思歸李陵之雙鳧永

去蘓武之一鴈空飛若江陵之中否乃金陵之禍始雖  
借人之外力實蕭牆之內起撥亂之主忽焉中興之宗  
不祀伯兮叔兮同見戮於猶子荆山鵲飛而玉碎隨岸  
虵生而珠死鬼火亂於平林殤魂遊於新市梁故豐徙  
楚實秦亡不有所廢其何以昌有媯之後將育於姜輸  
我神器居為讓王天地之大德曰生聖人之大寶曰位  
用無賴之子弟舉江東而全棄惜天下之一家遭東南  
之反氣以鶉首而賜秦天何為而此醉且夫天道廻旋

生民預焉余烈祖於西晉始流播於東川洎余身而七  
葉又遭時而北遷提挈老幼闕河累年死生契濶不可  
問天况復零落將盡靈光歸然日窮于紀歲將復始逼  
迫危慮端憂暮齒踐長樂之神臯望宣平之貴里渭水  
貫於天門驪山廻於地一作市幕府大將軍之愛客丞  
相平津侯之待士見鍾鼎於金張聞絃歌於許史豈知  
灞陵夜獵猶是故時將軍咸陽布衣非獨思歸王子

傷心賦

并序

余五福無徵三靈有譴至于繼體多從夭折二男一女  
竝得勝衣金陵喪亂相守亡歿羈旅關河倏然白首苗  
而不秀頻有所悲一女成人一長一作外孫孩稚奄然玄  
壤何痛如之既傷即事追悼前亡唯覺傷心遂以傷心  
為賦若夫入室生光非復企及夾河為郡前途逾遠  
好有自傷之賦揚雄有哀祭之文王正長有北郭之悲  
謝安石有東山之恨斯既然矣至若曹子建王仲宣傳  
長虞應德璉劉韜之母任延之親書翰傷切文詞哀痛

千悲萬恨何可勝言龍門之桐其枝已折卷施之草其  
心實傷嗚呼哀哉

賦曰悲哉秋氣挫落變衰魂兮遠矣何去何依望思無  
望歸來不歸未達東門之意空懼西河之譏在昔金陵

天下喪亂王室板

一作  
毀

蕩生民塗炭兄弟則五郡分張

父子則三州離散地鼎沸於袁曹人豺狼於楚漢或有  
擁樹懼災藏衣遭難未設桑弧先空柘館人惟一丘亭  
遂千秋邊韶永恨孫楚長愁張壯武之心疾羊南城之



淚流痛斯傳體尋茲世載

類聚作載

天道斯慈人倫此愛膝

下龍摧掌中珠碎芝在室而先枯蘭生庭而蚤刈命之  
修短哀哉已滿鶴聲孤疑絕猿吟腸斷羸博之間路似  
新安藤絨鞞檣掩虞棺不封不樹惟棘惟欒天慘慘  
而無色雲蒼蒼而正寒况乃流寓秦川飄颻播遷從官  
非官歸田不田對玉關而羈旅坐長河而暮年已觸目  
於萬恨更傷心於九泉至如三虎二龍三珠兩鳳竝有  
山澤之靈各入熊羆之夢望隴首而不歸出都門而長

送對寶盜而痛心撫玄經而流慟石華空服犀角虛蒸  
風無少女草不宜男烏毛徒覆獸乳空含震為長男之  
宮巽為長女之位在我生年先凋此地人生幾何百憂  
俱至二王奉佛二郝奉道必至有期何能相保淒其零  
零疑颺馬秋草去矣黎民哀哉仲仁冀羊祜之前識期  
張衡之後身一朝風燭萬古埃塵丘陵兮何忍能留兮  
幾人

文苑英華卷一百二十九

欽定四庫全書

文苑英華卷一百三十

宋 李昉等 編

哀傷二

吊軹道賦一首

登臨河城賦一首

驪山傷古賦一首

過舊園賦一首

傷徃賦一首

山陽城賦一首

三良塚賦一首

項王亭賦一首

吊軹道賦

并序

王昌齡

軹道秦故亭名也今在京師東北十五里署於路曰秦  
王子嬰降漢高祖之地豈不傷哉余披榛往而訪之則  
莽蒼如也夫如集作以戰國之弊天下創夷又困於秦使  
無所訴罪在于政而戮乎嬰嗚呼殺降不祥項氏之不  
仁也遂作賦以弔云

長林之墟荒草無垠躊躇訪古隱憐如存耆老曰此秦  
之軹亭也莫不隕泣而傷魂我聞中原板蕩歷數更造  
來為都邑去為郊道化育人寰盛德攸保其集作如有隨



而霸楚無乃弛義而爭國東城引劍亦其宜哉至於

集作

如后稷貽周三聖九賢合於

集作  
化洽

成康十有餘年猶復

慎終如始爰作顧命宣文武之重光訓艱難於執政乃

尸天主遂誥諸侯高奭內軸齊魯外輯此周之所以磐

石相維數草龜謀孰與夫離擯子弟甘心賊臣身死國

滅如火燎薪設使雍州為輿伊傅為輪當朽索之不馭

豈龍虎之能馴不其然乎賈生聞之於是讓東陵故侯

曰昔王子有殷墟之歌大夫有周廟之作子秦人也豈

無情哉

集作夫  
豈無情

邵平乃太息久之且為歌曰道不虛行

兮史鱗沒位吾寧范伯之徒歟感夷齊而多愧麟鳳遠  
去龍則死之河水洋洋兮先師莫歸往者不可諫來者  
吾誰欺始退身以進道曷颺言而受非彼蕭相國知予  
乎布衣

登臨河城賦

并序

蕭穎士

亡舅孝廉元君才高位下一命屈臨河尉尋遭風瘵

集作

瘵有加無瘳憂悒迄逾一紀故不復仕而風標俊傑文

史清雋

一作  
蒸

則君所著別傳詳矣舅於子有教授

集作  
道

之恩隻詞片字皆資訓誘既而射策桂林校書芸閣首

為知已名稱

二句本集作道為  
已遇名為海內稱

知舅氏之力也天寶元

年秋八月奉使求遺書於人間越來月屆于臨河

集作  
河干

之舊邑覽物增懷泣然有賦羊曇是日獨吟零落之篇

周翼終身寧亡吐哺之愛詞曰

登孤城兮見河水之漫漫城有隍兮水有瀾歎翻覆兮

無端俯崇墉兮心

集作  
辛

酸心斷絕兮河水之干借如韓



伯見殷浩傳懷恩羊曇念昔追北渚之羹餞歎西剡之忽覲

曾一顧而不忘集作曾一顧况仁深與密戚也惟佩觿

之弱歲荷哲舅之矜憐枉月旦之殊品超等夷而獨偏

賢一作過雖小而必誠善無微而不悛一作違備潤身之

黼藻聞染集作翰之蹄筌豈期文嗣作者價叅時賢謬

崑墟而比玉濫蓬島而懷鉛匪舅德其焉爾諒師資乎

在馬痛才高而位下悲道悠而運促甫一命於茲集作

城蹇無媒兮窘束僚屬颺而墜羽凌永路而傾軸悼晉

豎之行深哀秦良之莫贖昔自公而暇豫陪作賦於茲

樓懷一紀以如昨愴今晨而

集作之

獨遊俯蕭條之邑里

對零落之徂秋舊館悽其在目長川逝而不留徒臨風

而揮涕孰知夫四望可以銷憂者也

集作而可銷憂者哉

驪山傷古賦

郝昂

天生蒸民而樹之君夫為國者當建宗社廣敷聲教尊其威靈儼其容貌其惠也遠泱其仁也普淖言靜而可  
以底綏言動而無所屈撓令四海惟精惟一俾萬人是

則是倣安有臨伐木而棄其斧將涉水而投其棹童子  
猶知其不可况天下之龍豹初虎視八荒鯨吞六國攻  
必取戰必克所往而梟一作其渠帥所敵而斷其銜勒  
起翦之功逞蘇張之詐塞招星紀之南伐天街之北賞  
尉繚以為忠謹誅文信以為殘賊將大寶而康寧謂神  
仙之可得一何壯哉及其浮江沉璧登山紀石徵茅濛  
為却粒之符遣徐市為求真之客殫人力為馳道鑄兵  
刃為金狄方欲肆其暴露方欲窮其轍迹鬱興問左之

徑大起阿房之役亦所以坑其儒士亦所以燬其經籍  
聞祖龍而匪寤逢巨魚而必射不知望夷之兆未覩沙  
丘之厄又何謬歟天降圖錄言勦其辜惡貫已盈禍胎  
必膺載鮑之氣俄徹夢神之應聿徂意靡察於妖子尚  
勞師以備胡人且愍於蒙將我獨憐此扶蘇廢至尊之  
丕烈任姦邪之逆謀不必作謨將欲稱始帝而歷萬代卒宗  
滅而身屠王祿盡矣誰定其危天之所壞人不能支既  
同信於望夷安肯從於悖一作李斯生且替其遺命死徒

華其葬為嗚呼驪山之隧其庸幾年上周五里

劉向傳  
始皇墳

周四  
五里

下錮三泉整珠璣之布濩盡金石之雕鐫匠人勞

而不償反生理於鬼埏狐兔穴而塵積收豎焚而火連  
嗟拔山之壯氣成拱木之寒煙享祀輟矣疇相恤焉百  
二之襟帶莫守數仞之丘墳巍然何德之衰絕伯翳之  
餘業何力之競為劉炎之着鞭枝葉將落本必先顛莒  
折巢覆胡能卵全是知不有廢也後王安得而處旃

過舊園賦

并序

梁 肅

余行年十八歲當上元辛丑盜入洛陽三河間大塗炭  
因竄身東下旅於吳越轉徙阨難之中者垂二十年上

嗣位歲應詔詣京師其

一作明

年夏除東宮校書郎遂請

告歸覲于江南八月過嶠澗次于新安東南十數里舊  
居在焉時歲滋遠荆榛蕪翳喬木蒼然三徑莫辨訪隣  
老而已盡眄庭柯以霑衣情之所鍾可勝歎耶夫懷舊  
之志在昔所不免聖如尼父達若莊叟且有歸歟之歎  
悵然之思子蓬艾存乎胷中喜懼形於一作于膝下寓江

海之遐阻念歸來而不得思潘園板輿之樂陶野巾車  
之遊願言莫展一食三歎至是當秋日蕭索征途浩渺  
棟宇摧落曾不得乎少留心之憂傷又加於他日一等  
遂作賦紀事以過舊園命篇其詞曰

白露既戒夫清秋爰駕言而東邁漫征路之悠悠且予  
發乎新安歷函關之舊丘灌叢森以相屬披一徑而可  
求闕里卷之罕人辨原田而莫由堂除既缺棟宇亦折  
樹蔽戶而稍稍水衝隄而活活駭獸羣起頽墉四達識

舊井於庭隅弔重蘿於木末既循省而顧慕愈辛酸而  
慘怛何纏迫而求所安激子哀而不可遏也昔子生之  
三歲值勃虜之衝奔徙穹廬於華縣蒙郊廟於氛昏皇  
遊蜀川帝出朔原尸逐纒血烏丸又屯俄四逆之薦凶  
扇燹炭而爇黎元子既幼捨此居業慮性命之所存始  
竄跡於許都又逃刃於夷門沿汴水之湯湯棹淮波之  
翻翻荷聞詩之前訓迫馳役而不敢言截淝河以徑度  
趣諸越而休止在長洲與蘭陵亦一閏而三徙媯媯兮



秋風湛湛兮春江傷吾心其何已皇八葉之御極亦既  
安此寰中浮窳續其來歸真獨鬱猶未通洎大厯之二  
七六龍忽其上升赫元聖之統天敷太和於黎蒸建皇  
極以成化啓公車以選能予筮遇觀之六四

一作繇易  
云觀國之

光利用  
寓于王

聿投迹於雲羅謬試言於內殿俾典校乎承華

聆聖賢之休風仰墳籍之長圃與世道而遊息實人倫  
之憲矩史正直以終始蘧卷舒於默語展甘黜而不去  
莊頤神以遐舉諒修己之異宜各弘道而得所知微生

之庸拙胡可嫚夫

一作乎

出處眇江湖之漂蕩廢田里於

草莽苟將愜乎予思孰辨夫懷安之與懷土伊吾土之

所安迺陋狹而在斯實舊德之師儉庶後昆以易持高祖

父趙王府記室宜春公洎魯王父侍御史府君已降三世居陸渾有田不過百畝開元中為大水所壞始徙於

函關始也桑柘接連蔬果芳滋彼茅軒與甕牖亦寒燠之

攸宜羌百歲而負

一作員

居曾未幾而亂離二十載而一

來紛蕪穢而莫治駐周覽而未已又旋指于江湄曾是

追感於平生孰不悲傷而涕洟抑聞夫仲長之園面流

水而覽平原遭世緒之溷濁竟初懷之罕存又聞夫郭  
泰之德不違親貞不絕俗當爵羅之周布竟淳白而不  
辱何天宇之交泰蹇子生之孱獨退無庇跡之所進靡  
代耕之祿慨捨此而不留徒仰高於前躅日晚晚而命  
駕恨盤桓以出谷慮將歸之或迷吾斯志夫喬木亂曰  
所居而安易之序兮歷聘懷歸孔之慮兮粵子庸昧道  
莫著兮曩離舊邦紛世故兮林井殘泥禽亦去兮墜廢  
居業怛而懼兮遲歸有時藻一作保吾素乎疑作兮

凡一作皆集本

傷往賦

并序

劉禹錫

人之所以取貴於飛走者情也而誕者以遺情為智豈  
至言耶予授室九年而鰥痛苦若人之天闕弗遂也作賦  
以傷之冀夫覽者有以增伉儷之重云

歎獨處之悒悒

一作邑邑

兮憤伊人之我遺情可殺而猶毒

境當歡而覆

一作復

悲人或朝歎而暮息夫何越月而踰

時太極運乎三辰轉寒暑而下馳有歸於無兮盛復于

衰猶昧爽之必暮又安得而怨容我今怨夫若人兮曾

旭旦而潛暉飄零日及

日及木樛也晉成公綏潘尼有賦

之萼倏忽蜉

蝻之衣川走下而不還露迎陽而易晞思已甚兮難絕

見無期兮永思我行其野農民桑者舉案來饁亦在林

下我觀于途禪販之夫同荷均挈荆釵布襦羽毛之著

鱗介之微和鳴灌叢雙泳漣漪覺覺者

伊一作

蠱蠢蠢伊

豸遊空穴深兩兩相比何動類之萬殊必雄雌而與俱  
物莫失儷以孤處我方踽踽而焉如我復虛室目淒涼

兮心伊鬱心伊鬱兮將語誰坐匡牀兮撫嬰兒何所丐

沐兮何從仰飴襦袴在身兮昔圍差跌

一作  
踉

鞶囊附臂

兮餘馥歲蕤誠天性之潛感顧童心兮如疑哢然有難

繼之慕莫然減好弄之姿指遺桂兮能認想空帷兮欲

歸我入寢宮痛人亡兮物改其容寶瑟僵

一作  
偃

兮絃柱

絕瑤臺傾兮鏡奩空寒爐委灰虛幌多風隙駟

一作  
駒

晨

轉牕蟾夜通步搖昏兮網拈翡翠芳褥掩兮塵化蛭蛩

閱刀尺之餘澤見巾箱之故封翫服儼兮猶具繁華謝

兮焉從想翩翩

一作僊

於是非求憲宰與冥蒙信奇術之

可致嗟此生兮不逢徒注視以寂聽恍神疲而目窮還

抱影以獨出紛百哀而攻中系曰龍門風霜苦別鶴哀

鳴夜銜羽吳江波浪深雌劍一去無遺音悲之來兮憤

予心洵如行波洊浸淫悵

一作浩又作既

緣情而莫極思執禮

以自箴已焉哉冉冉生死悠悠古今乘彼一氣兮聚散

相尋或鼓而興或罷而沉以無涯之情愛悼不駐之光

陰諒自迷其有分徒終怨於匪忱彼蒙莊兮何人子

一作

子獨累歎而長吟

凡一作皆集本

山陽城賦

并序

山陽故城遺趾數雉四百之運終於此墟裔孫作賦蓋  
閔漢也詞曰

我止行車霄涕于山陽之墟是何蒼莽與慘悴春陵之  
氣兮焉如蹈昌運於四百辭至尊而伍匹夫有利器而  
倒持兮曾何芒刃之足舒懿王迹之聿基暨絕一作維



之再敷邈汜陽與鄔上悅蛇變而龍攄痛人亡而事替  
終此地焉忽諸嗟乎積是為治積非成虐文景之欲處  
身以約播其德茅迄武乃獲桓靈之欲從心於昏藝其  
祆焰逮獻而焚彼伊周不世兮姦雄乘釁而騰振物象  
摧以易位被虛號而陽尊終勢殫而事去胡竊揖讓以  
為文嗚呼維神器之至重兮如山之不審使人得譬乎  
逐鹿因一作健步者所先諒人事之云耳孰云當塗之  
兆也自天亂曰一作久矣莫可追升彼墟兮噫嘻躅  
一作

獨遺武分貽後王之元龜

三良塚賦

并序

魯文六年秦伯任好卒以子車氏之三子奄息仲行鍼虎為殉皆秦之良也國人哀之為之賦黃鳥君子曰秦穆之不為盟主也宜哉先王違世猶貽之法而况奪之善人乎是以知秦之不復東征也秋季月吾西遊汧渭出於岐雍之間於古道傍得三良塚心甚哀之涕泗者久之而去詞曰

昨宿岐城曉涉渭東霜凌雪結飛沙亂蓬中野躊躇屈  
此古墟野人曰卽車氏之塚方驅駕班如久而咤曰吾  
嘗讀舊史矣古者秦氏大於穆公出師則寧東夏用賢  
則霸西戎大邦服其禮小邦畏其雄謀已集戰亦武不  
能勤王不為盟主者何居以滅天之良喪人之特百夫  
仰系一朝而踣可哀也哉宛其三子遭時述邈主已卽  
世身皆靡全指冥芒而為期撫昭世而坐捐方惴惴以  
臨穴且哀哀而號天從有言於寒原莽蕩千里廻眺無

金史卷一百三十一  
九一五三十一  
垠一作恨上刺衰德下傷幽魂挂驂壠樹脫劍山門撥野

芳以為薦汲行潦而克鑄矧今情之猶悲諒古恨之潛  
吞死而不作吾誰與言代事浩茫人壽爾天言念君子  
中心悄悄哀生人之長慟一作勤赴永夕之莫曉歸去來  
兮不可留且悲吟於黃鳥

項王亭賦

并序

李德裕

丙辰歲孟夏余稅駕烏江晨登荒亭曠然遠覽因觀  
太尉清河公刻石美項氏之材歎其屈於天命且曰漢祖困

阨之時生計非蕭張所出余以為不然矣自古聰明神  
武之主未嘗不應天順人以定大業項氏縱火咸陽失  
秦中之固遷主炎裔傷義士之心違天違人霸圖壞矣  
漢皆反是故能成功據秦遺業東制區宇雖數敗於外  
常有關中為舊主縞素以義動天下雖項氏猶存而王  
業基矣若乃蠖屈鴻門龍潛天漢始降志於一人終申  
威於四海則蕭張之計不亦遠乎余嘗論之漢祖猶龍  
項氏如虎龍雖困而其變不測虎雖雄而其力易摧一

神一鷲宜乎夔絕然艤舟不渡留驢報德亦可謂知命矣自湯武以干戈創業後之英雄莫高項氏感其伏劍此地因作賦以弔之

登彼高原徘徊始曙尚識艤舟之岸焉知繫馬之樹望牛渚而蒼然歎烏江而不渡想山川之未改嗟人世之何遽思項氏之入關按秦圖而割據恃八千之剽疾棄百二之險固咸陽不留王業已去將衣錦於舊國遂揚旌而東顧雖未至於陰陵誰不知其失路恥沐猴之醜

詆乃烹韓而泄怒謂天命之我欺何霸王之不寤嗟乎  
楚聲既合漢圍已布歌數闋而甚悲酒盈樽而不御當  
其盛也天下侯伯自我而宰制及其衰也帳中美人寄  
命而無處季數遯而不亡羽一敗而終仆豈非獨任於  
威力不由於智慮追昔四隲之下風煙將暮大咤雷奮  
重瞳電注叱漢千騎如獵狐兔謝亭長而依然愧父兄  
兮不顧既伏劍而已矣彼羣帥兮猶懼雖霸業之無成  
亦終古而獨步周視陳迹緬然如素聽喬木之悲風感

高秋之玄露因獻帛於茲亭庶神靈之可遇

文苑英華卷一百三十



欽定四庫全書

文苑英華卷一百三十一 宋 李昉等編

鳥獸一

獅子賦二首

天狗賦一首

越人獻馴象賦二首

放馴象賦二首

正月一日含元殿觀百獸率舞賦一首

舞馬賦二首

獅子賦

虞世南

惟聖皇

一作惟皇王

之御歷乃承天而則大治至道於區中

被仁風於海外通鳳穴以文軌襲龍庭以冠帶含夷言

於藁街陳方物於王會渺渺地角悠悠嶂表有絕域之

神獸因重譯而來擾其所居也巖磴深阻盤紆絕峻翠

嶺萬重瓊崖千仞馬頓轡而莫升車摧輪而不進伊方

服之君長召積風而奉進爾乃發烏代過白狼踰絕巘

跨飛梁越流沙而遙集超積石而高驥其為狀也則筋

骨糾纏殊文

一作資

異制闊臆脩尾勁毫柔毳鈎爪鋸牙

藏峰蓄銳弭耳宛足伺間借勢暨乎奮鬣舐脣倏來忽  
往瞋目電曜發聲雷響拉虎吞貔裂犀分象碎適兕於  
斷齧掘一作屈巴蛇於指掌踐藉則林麓摧殘哮呼則江

河振蕩是以名將假其容高人圖其質罄其威以凌厲  
美其風而贊述鑿倚伏以榮身乃有識之高軌彼白猿  
之騁妙終取斃於弧矢雖玄豹之幽栖亦捐軀於巖趾  
並同亡而異術豈行藏之足紀何茲獸之明智獨出處  
以殊倫雖奮武以馴勢乃知機而屈伸去金方之僻遠

仰玄風之至淳服猜心與猛氣遂守一作感德以依仁同

百獸之率舞共六擾而來馴斯則物無定性從化如神

譬鱗羽變質於淮海金錫成器於陶鈞當是時也兆庶

欣矚一作瞻百僚嘉歎悅聲教之遐宣屬光華之在旦臣

載筆以叨幸得寓目於竒翫順文德以呈祥廼編之於

東觀

第二并序

牛上士

上士曾讀寶錄貞觀九年西域進獅子秘書監虞世南

獻賦前史美之竊謂

一有真字

公博物洽聞誠則可重瓌瑋

侷儻或非所長欲精體物乃賦其事

窮汗漫之大荒當崑崙之南軸鑠精剛之猛氣產靈猊

之獸族指千里於崇朝逾鐵山而徃復非取俊於熊豹

豈方姿於魑魍

張景陽七命曰魑魍音叔

故其方頤蹙額隅目高

匡攖地躡踞騰空抑揚簇拳毛以被勁縷柔毳以為裳

逢之者碎犀象聞而頽伏值之者破鷗鷖不敢飛翔哮

呼奮迅賤瞞騰振掌攢鉞口銜霜刃怒雙睛以電射

一吼威

三字一作揭一吼

而雷震似鳥獲之摧鋒疑項王之入

陣及夫朝晡未食鼓髯奮力後勁雙瞳前張闊臆蹉殊  
榛以傲睨跳絕梁而合輒倏橫噬而風馳乃掉尾而雷  
息口裂奔軀足捎狂兇猛虎摧於掌握豪猪碎於牙齒  
既飽飫而心和乃宛頸而帖耳彷徨於金河之外生長  
乎蔥山之裏嘉此獸之竒傑邈躑勁而殊材隨馬牛而  
內向順謳歌而竭來逾烏城之積阻獻龍闕之崔嵬資  
譯人之納貢弭雄心以效能何虞者之維繫驚牙爪之

可怖頓金鎖而長縻閔鐵牢而永固悲此生之窘束懷  
舊國而愁慕雖食肉於當年思盡力而無路羨文豹之  
倚鹿美韓盧之逐兔伊薄技之見收而偉材之不顧聞  
夫天以煦育為施草木皆春帝以惠訓為施猛戾皆仁  
夏后氏擾驪龍而伏阜軒轅氏役熊羆以佐人此奇獸  
之為用豈無用而來馴何不校之於搏擊投之於絕倫  
而使之鬱鬱於窮檻區區於後塵者乎

天狗賦

序并

杜甫

天寶中上冬幸華清宮甫因至獸坊怪天狗院列在諸

獸院一有字之上胡人云此其一有獸字猛捷無與並一作此者因

甫一作壯而賦之尚恨其與凡獸相近其詞曰

瞻華清之萃萃漠漠而出一作山殿戍削縹馬一作與天

風崛乎迴薄上揚雲旃兮下列猛獸夫何天狗嶙峋

兮氣獨神秀色似狡狴小如猿狖忽不樂雖萬夫不

敢前兮非胡人焉能知其去就向若鐵柱歎而金鎖斷

兮事未可救瞥流沙而歸月窟兮斯豈踰晝日食君之



肥鮮

一作鮮肥

分性剛簡而清瘦敏於一擲威鮮兩鬪終無

自私必不虛透嘗觀乎副君暇豫奉命于畋則蚩尤之

倫已脚渭戟涇提挈丘陵與南山周旋而慢圍者戮實

禽有所穿伊鷹隼之不制兮呵犬豹以相纏蹙乾坤之

翕習兮望麋鹿而飄然由是天狗捷來發自於左頓六

軍之蒼黃兮劈萬馬而

一作以

超過材官未及唱野虞未

及和罔鷗

許交切箭也

矢與流星兮圍要害而俱破洎千蹄

之並

一作逆

集兮始拗怒以相賀真雄姿之自異兮已歷

塊而高卧不愛力以許人兮能絕等以為大

徒賀切

既而

羣有噉咋勢爭割據垂小亡而大傷兮翻投跡以來預

劃雷殷而有聲兮紛膽破而何遽似爪牙之便禿兮無

魂魄以自助各弭耳低佃閉目而去每歲天子騎白日

御東山百獸蹶躅以皆從兮肆一作四猛乞鈇銳乎其間

夫靈物固不合多兮胡役役隨此輩而往還惟昔西域

之遠致兮聖人為之豁迎風虛露寒函一無此字體蒼熯軋

金盤初一顧而雄材稱是兮召羣公與之俱觀宜其立

閭闔而吼紫微兮却妖孽而不得上干時駐君之玉輦  
兮近奉君之渥歡欲使與處而誰何兮備周垣而辛酸  
彼用事之意然兮匪至尊之賞闈仰千門之峻嶒兮覺  
行路之艱難懼精爽之衰落兮驚歲月之忽殫顧同儕  
之甚少兮混非類以摧殘偶快意於校獵兮尤見疑於  
躡捷此乃獨步受之於天兮孰知羣材之所不接且置  
身之暴露兮遭縱觀之稠疊俗眼空多生涯未愜吾君  
僕憶耳尖之有長毛兮寧久被斯人終日馴狎者

一無此字

已

越人獻馴象賦

以辭林邑望國門為韻

闕名

倬彼馴象毛羣所推特稟靈於荒徼思入貢於昌期豈不以獻我今辰自林邑而來者稽諸舊史在成康而紀之一則識王者之無外一則見遐方之不遺苟形瓌之足偉孰路遠之云辭於是出豐草去長林殊狒狒之被格異猩猩之就擒厲其容也故獸伏我力和其性也故人知我心作蠻方之貢為上國之琛萬國標奇名已馳

於魏闕千年表慶價實越於南金況乘之便習或訛或  
立動高足以巍我引脩鼻而嘘吸塵隨蹤而忽起水將  
飲而迴疑入牙櫛比而慘慘眼星醜而熠熠中黃雖勇

力不能加

見張平子  
西京賦

蒼舒信竒知之莫及服我后之阜

棧光我唐之域邑驅之則百獸風馳翫之則萬夫雲集  
故其威容足尚筋力殊壯輪困而重若旄丘聳肩而高  
如巨防執燧奔戰牽鈞委貺遇之者或驚駭而反行覘  
之者或披靡而遙望何斯象之剛克兼美義之不忒懼

有齒而焚軀故全身而利國縱使牛能重任馬有報德  
徒久困於輪轅又每傷於銜勒豈如我邈自遠藩來朝  
至尊辭桂林之小郡入閭闔之通門負名聞之籍籍守  
馴擾以存誠幸投之於芻藁豈敢昧於君恩

第二

同前韻

杜洩

惟彼馴象產乎南夷其形大也因地而受氣其性順也  
從心之所資食豐草於幽巖之麓飲清流於長江之渚  
不思於人如得其時推誠於物任以繫維此吾王之化

被也故遠人得而獻之中心搖搖其道遲遲左顧右盼  
知出羣之已遠廣思遐想與草澤而長辭脩途是尋疊  
嶂嶇嶇或行于陸但隨山而上下或載於舟距涉江之  
淺深既濟水以次水復出林而入林所過之邦徒觀其  
骯髒之貌所遇之衆豈識其謙柔之心荒徼已違王畿  
斯入聞之者遐邇必至覩之者士女咸集與疑人不知  
其故皆愕然而立或告之曰所馭之者越人所出處者  
林邑近之可仰遠之可望銓衡不能舉其體丹青足以

圖其狀揣輕重者我有蒼舒之智高思柔服也我有周公之德王以之馳三軍比矛戟而齊鋒以之和六氣與簫韶而俱唱稽其來也自南徂北嘉彼所獻充我王國食以筐筥牽以徽纆將致貢於昆夷亦率職於邛契斯之為義可得而論性之馴良表邊夷之向化體之一作必固實揣中夏之所尊以君好生之故我身必壽以君賤貨之故我齒斯存豈克耕於野輸衆人之力曷如我入貢霑萬乘之恩雖自慙於陋質永願在乎王門



放馴象賦

以珍異禽獸無育家國為韻

獨孤授

彼炎荒兮王國是賓此馴象兮越俗所珍化之式孚則  
必受其來獻物或違性所用感於至仁吾君於是詔掌  
獸之官諭如天之意惟越獻象不遠而致推已於物曾  
何以異徒見弭雄姿而屈猛志安知不懷其土而感其  
類揆夫國用芻豢之費則多許一作計以方來道途之勤  
亦至與其繼之而厚養孰若縱之而自遂且彼集於禁  
林我則有五色九苞之禽在于靈囿我則有雙鶻共飢

之獸何必致遠物於外區崇偉觀於皇都是用返諸林  
邑之野歸爾梁山之隅時在偃兵豈嬰乎燧尾上惟賤  
賄寧恤乎焚軀非同委棄罔或踟蹰知拜跪兮則有謝  
渥恩兮豈無復得顧侶求羣跨川登陸食豐草以垂鼻  
出平林而瞪目逍遙乎存存之鄉保守乎生生之福懷  
仁初就於牽掣順理竟資於亭育游乎水同反身之龜  
處乎山異放麋之鹿大道茲始淳風不遐感以和樂亦  
參乎百獸率舞驅之仁壽寧阻乎四海為家奚必充帝

庭之實駕鼓吹之車然後可以為國華者哉由是聖心  
孚于下國物靡不獲其所化乃允臻其極放一獸而庶  
類知歸遂四方而萬代作則彼周驅犀象漢放駿馬未  
可論功而校德

第二

同前韻

獨孤良器

皇上御寶歷之惟新聞乾符發坤珍德被華夷敷雲雨  
之大澤恩及飛走含天地之全仁乃却走馬以及素斥  
馴象而不異非耳目之可役同寶玉之遐棄放之於無

人之境歸之於不毛之地或羣或友伊飲齧之無虞載  
寢載興信生成之自遂解網之惠無聞放麋之仁克類  
然後以儒為林毓賢哲以為禽以道為囿利忠良以為  
獸亮功格于人神德齊於宇宙是由化與澤俱仁與道  
符賢為其寶太康之訓不作獸用不擾虞人之箴遂無  
徇物之情允著好生之德式孚可以順天然可以遂亭  
育既絕燧尾之患不虞焚身之戮去狂顧於人眾徇野  
心於林麓伊昔漢氏惟其晉家焚雉頭之裘於前殿却

千里之馬於後車猶自且

一作且

颺休垂美有聞無譁况我

一人温恭允塞本忽之而勿營非欲之而復抑往籍之所未覩前王之所不克誠可以懷四夷柔萬國者也

正月一日含元殿觀百獸率舞賦

以題為韻

鄭錫

皇上端拱穆清法春秋五始之要酌禮樂三代之英赫  
帝典含元正衡紀允叶攝提為貞䟽龍首以抗殿靡魚  
湏而建旌開彤庭執玉帛者萬國發金奏韻簫韶而九

成祥風應律卿雲夾日華夷會同車書混一羽衛宿設  
乘輿曉出陳八佾象鈞天之儀舞百獸備充庭之實彼  
毛羣與羽族感盛德而呈質度曲既三薰風自南進旅  
退旅兮猛志外戢擊石拊石兮和氣內含勿齊首以瞪  
目乍脉脉而耿耿威而不猛樂而不諛搏鷲者搖尾而  
就養剛狠者戢角於觸藩牝馬馴致於坤德羣龍利見  
於乾元若乃大禮成壽觴薦天聲起皇威遍金石鏗鏘  
以攢雜文物葳蕤以葱蒨獸臣獻伎於廣庭樂正舉麾

於層殿怛荒戎於醜一作商虜咸稽首而革面其初進也

波委星攢如崗如巒發揚蹈厲兮鼓舞爭集無小無大

兮容止可觀其少退也軍旋陣折匪蠻匪貊蹄角且千

兮羽儀累百詭色殊竒兮相輝赫赫豈獨九尾靈狐一

角神獸顧兔宵落麒麟夜關非熊非羆為猿為狢威鳳

巢閭騶虞在囿條支之犀黃支之驚而已漢平帝紀黃支國獻犀牛

西域傳條支國獻鳥卵如甕似與此文交互其徒寶繁厥狀非一五靈嘉瑞百

寶異質數不可盡之於詞名不可殫之於筆莫不聞至

樂而知感樂皇風以相率忽指顧於應規亦迴旋而中  
律穆穆焉羌難得而備述則知樂之感也深德之被也  
普彼禽獸之遇聖隨萬里而成觀至若吳歆越吟荆艷  
楚舞徒怕堙於心耳安擬議於干羽曾不充虞舜之帝  
圖列后變之樂府辭曰鑠元會兮正王度奏雲門兮歌  
大濩百獸舞兮四夷懼于胥樂兮皇風布客有慕上古  
之賡歌望承明而獻賦

舞馬賦

并序以奏之  
天庭為韻

闕名



書曰擊石拊石百獸率舞是知時貞而物應德博則化  
光故九有宅心萬方惟允我開元聖文神武皇帝陛下  
懋建皇極丕承寶命揚五聖之耿光安兆民於反側功  
成道備作樂崇德上以殷薦祖宗下以導達情性則有  
天馬絕足來從東道出天庭而屢舞仰皇心而載悅豈  
止綠錯開圖分九疇於夏后汗溝走血服四夷於漢皇  
而已哉野人沐浴聖造與觀盛德敢述蹈舞之事而賦  
之

皇帝叶天行乘春候張廣樂而化通鬼神徵舞馬而懷  
柔奔走爾其聆音却立赴節騰湊顧遲影而傾心效長  
鳴而引脰徘徊振迅類威鳳之來儀指顧倏忽若騰猿  
之驚透晒鐘鼓而載止暢蕭韶之九奏洎宛跡遲遲汗  
血生姿順指不動因心所之日照金羈而晴光交映風  
飄錦覆而淑氣相資顧以退而未即將欲進而復疑絕  
節交衢而大人相慶赴曲齊列而皇心則怡豈若檀溪  
水上章臺路前塵埋玉勒汗濕金鞭竟空疲於力用固

無取於當年孰若矯足騰摧婉柔姿而近日驚身聳躍  
嬌逸態於鈞天別有假象天星因時降靈雙瞳夾鏡而  
異質兩顴夾月而殊形出渥洼兮道已泰歷吳坂兮心  
匪寧願因百獸之相率舞聖德於天庭

舞馬賦

以奏之天  
庭為韻

闕名

渥洼之駿兮逸羣特秀簡偉之來兮稀代是觀豈憚夫  
行地無疆是美其承天之祐弭雄心以順軌習率舞而  
初就因大樂以逞狀隨伶官而入奏樂彼皇道上委折

於一人狎節廣場下歡心於百獸飾金鍔頓紅綵類却  
畧以鳳態終宛轉而龍姿或進寸而退尺時左之而右  
之至如鼙鼓歷考龍笛昭宣知執轡之有節乃蹀足而  
爭先隨曲變而貌無停趣因矜固而態有遺妍既習之  
於規矩或奉之以周旋迫而觀焉若桃花動而順吹遠  
而察之類電影倏而橫天固絕倫之妙有豈衆伎之齊  
焉我皇端拱無事垂意至寧愔愔正聲以久變而合樂  
逐逐良馬終萬舞而在庭豈比夫漢皇取樂而同轡魯

侯空牧而在垆以今古而匹敵何長短之相形

文苑英華卷一百三十一

欽定四庫全書

文苑英華卷一百三十二 宋 李昉等 編

鳥獸二

渥洼馬賦一首 却千里馬賦一首

漢文帝却千里馬賦一首 獲大宛馬賦一首

汗血馬賦一首 朔方獻千里馬賦一首

燕王市駿骨賦一首 市駿骨賦一首

千金市駿骨賦一首 飲馬投錢賦一首

渥洼馬賦

喬 彞

域中之寶生乎天涯天子之馬產乎渥洼澤出騰黃獨  
降精於太乙神開滇壑固不涉於流沙目散電兮彪駁  
喙含丹而虎牙躡紅雲而噴玉霑赤汗以攢花望兮以  
久來無晚耶應圖合謀光我帝業星通兩瞳月貼雙頰  
四蹄曳練翻瀚海之霜華一噴生風下胡山之木葉然  
後絡以金羈拂于鱗鬚睛射紫焰梢垂綠絲凝驕欲嘶  
嚼淒鏘之玉勒疊影不顧紛偃蹇之朱旗皇矣武帝漢



網斯缺憑百萬之精勁倚四夷之磔裂屠蒲梢而巨大  
漠指二師而求汗血謂滅沒之未來竟羈縻而不絕有  
生必感有感必通通也不極環之無窮彼泓污之斗水  
乃幽贊於神功然後陞沙卷浪於馮夷之宮疊足側身  
於齋淪之中星精降兮河嶽動天駟入兮駑駘空嗟我  
皇之英特而牽其惑欲能敗度侈多涼德夏后九代山海  
經夏啓舞越天地之紀穆皇八駿荒帝王之則而况金  
九代馬通月支價及踈勒悉復馳去終無所得此余吾之降生

解倒懸於中國祈招悃悃式昭德音感激萬古淒涼至今願以采求馬之人為求賢之使待馬之意為待賢之心

却千里馬賦

以上之所班諸侯不貢為韻

獨孤申叔

惟漢德之雍熙俾遐荒兮肅祇布澤所治致遠人之樂只任土必貢奉良馬以來思殊乎皎皎陋乃駸駸冀八鑿以御矣齊四牡以維之由是朝發於窮邊夕獻于君所倏追風以掣電邈千里兮一舉仰騶驥之居周鄙驢

駟之在楚故將進薦於象魏庶得超遙於苑囿帝曰斯

馬爾其還與

平聲

旅葵之訓今則皎如歸獸之義寧當忽

諸矧乃乖乎法駕而不合於乘輿且帝之御也厥儀惟

舊帝之動也其道惟守驅千乘以啓前羅萬騎以居後

分青旌兮在左揚素旆兮在右儼五路以居中矯六龍

以齊首蘇鑾是響將節乃疾徐次舍有期豈宜乎奔走

蓋順之而則可信違之而則不雖千里兮足珍於一人

兮何有矧乃塲苗既食馬政攸班間以赤兔兼之白駟

叶圖之駒伏皂稱德之驥在閑足以驅馳於九域之內  
足以巡狩於六合之間宜乎旋爾故鄉歸於舊壤超乎  
半漢適彼莽蒼千蕩反庶逐北風之思却從東道之上俾  
得交頸奮土翹足荒陬克全真性有歸羣休同越地之  
放象似桃林之罷牛豈彼驛騶卒見羈於造父寧同屈  
產終服御於晉侯是知漢文之德彌尊歸馬之猷克中  
示後之立國者盡規矩之以却遠方之貢

漢文帝却千里馬賦

以清道乘輿前  
警後蹕為韻

闕名

皇天眷命兮炎漢斯興  
運鍾三葉兮文德可稱  
六龍一作

飛整儀賤織英而不服  
五馭飭駕却良一作駿而不乘

猶猶由是遐邇授首蠻夷  
屈膝梯山航海者望之如雲

納賚貢珍者府無虛日  
別有吉良博物志曰馬名吉良乘之者壽千歲之

種渥洼之出媿飛黃於軒宮  
奄驂騶於周室歷無草以  
入貢涉流沙而效質就御服  
以馴養願馳驅而警蹕其  
體也廣膺毛服其目也擁後  
決前眸點漆而鏡朗權應  
規而璧懸稟月精於地法  
星象於天鬣上朱明溝中血

走朝辭窮髮之鄉暮憇雕題之藪驩驩慙專美於前騷  
裊愧垂名於後及夫噴玉勒而沫素鳴金珂而響清指  
九重以獻壽勒百禮以效誠帝於是宣皇風馳聖道前  
賢斯鑒古訓斯考差轍迹於穆王想旅葬於召保乃宣  
言曰朕法天以清淨法地以玄虛有典有則不疾不徐  
捎星之旗逮於前步彗雲之旆設於後車吉行三十而  
當息良馬千里而馬如爾以馬為寶我以德為輿與其  
授受以交喪曷若乾乾而捨諸獻馬者乃默爾慚顏低

徊弔影步遷延以眷眷神寂寞而耿耿於是德日洽祚  
惟永俾來葉之嗣君仰斯道以自警

獲大宛馬賦

以開遠戎得  
天馬為韻

胡直鈞

昔孝武寤善馬駕英才窮二師於海外獲汗血之龍媒  
於是宛卒大北神駒盡來駟駿竒狀超攄逸材走追風  
於馬邑嘶逐日於雲堆因行師之勲著辨前王之業開  
當夫海西出征制敵要遠始遲疑而不進承再命之爰  
晚奉皇風之用宣冀邊草之齊偃既量功就已料生返

越窮海之沙塵及大宛之城苑既高勲以茂閱且不愧  
於分閭芻糧盡取駉驥亦空材為地產之最精降天山  
之中背不毛之殊俗從入律之東風沛艾骨異低昂氣  
雄溢鏡光於金勒流雪彩於花驄悉可耀威華夏奪魄  
獠戎若乃發跡窮荒來儀中國史驚千載之異朝慶一  
人之德君子之德式孚天王之道允塞騰驤永埒曾何  
比於權竒滅沒長衢獨有賴於筋力然則馬惟行地君  
實統天黷兵者耗財之本愛財者有國之先徒知天駟



之可獲莫痛征夫之寡全時泰俗饒固理道之所急珍  
禽竒獸在人君而可捐穆王之荒何取文帝之事足傳  
竟洽大東之詠何為天馬之篇况驥之生也有矣屈之  
產也在馬復何必勤求於遠卒當耗斲之事邊向使武  
帝退術士寶賢者罷征戰於戎夷決風俗於純嘏自將  
致丹質之鳳鳥豈徒來汗血之龍馬故前代論邊之徒  
以勞師遠伐屈衆策之下

汗血馬賦

以絕足方騁流  
汗如珠為韻

王損之

異彼天馬生于遠方每流汗以津潤如成血以熒煌所  
以名重駿驥價高驪驪骨騰肉飛既揮紅而沛艾麟超  
龍翥亦流汗以徜徉當其武皇耀兵二師服猛破大宛  
之殊俗獲斯馬於絕境由是辭虜塞以員一作來望漢

庭於遐騁初疑霖霖染瀚海之霜華終訝淋漓變榆關

之霞

一作雪

影及乎獻闕之始就駕之初飾金羈而勢如

躡影排玉勒而態若凌虛伯樂乍觀訝霑襟而沃若王  
良載馭驚濺袖以班如觀其步驟如流驅馳若滅恣餘

力而聳躍控中衢而負絕長鳴向日蹀躞而色若渥丹  
驤首臨風奮迅而光如振血疾徐中節羈束如濡流膺  
臆以飛赭灑纓鬣以疑珠雄姿泛彼逸態濡于映白駒  
之羣皆疑失素齊紫燕之匹不可奪朱卓彼竒姿實為  
殊觀初溢腹二字一作益丹而雷灑終盡足而渙汗此朱翼而  
表異難並駿良彼赤鬣以稱竒馱同款段超騰莫及迅  
疾難儔遽赫如以決洽乍煥若以飛浮儻遂越都甚追  
風而更疾如同過隙似奔電以潛流且其戢聯翩異蹀躞材

逾良駿名先逸足倘不棄於血誠將八鑾而齊躅

朔方獻千里馬賦

以題為韻

王起

駉彼名馬產茲玄朔得遐方之勁氣是稟嚴凝應

一作昭

上聖之禎符其來綿邈固可以飾和鸞之噦噦就鈎膺之濯濯始其同羣豐草挺質寒鄉名超茲白瑞掩飛黃伊六轡之爰設非九重之孰當爾其走險鹿駭望雲龍驟繫之維之登歌不慙於西極若滅若沒獻狀聿來於北方于以効伏阜之勤于以釋長鳴之怨流離而走血

來格獲落而執勒斯獻計鴻鵠之舉彼未居多涉燕宋  
之遙我方適願柔心有待逸足未宣權奇於絳闕之下  
沛艾於紫庭之前稟月未匹追風莫先所以闡幽都之  
美所以增華廐之妍既佶且閑軼其羣兮相萬視遠如  
邁遵其路兮且千一人既瞻八駿初比彼千駟花發六  
騶雲起其止也可齊乎足其行也無踰於里信愕視於  
華原而騰輝於良史伊茲駿之間出在前王而殊寡或  
鑿輅而見損或鼓車而不捨我皇昭景福錫純嘏稱德

以喻夫俊又服勞以勸夫忠者豈惟同兩漢之帝獲千里之馬

燕王市駿骨賦

以求骨知好  
騏雲集為韻

闕名

昔燕王思良馬以扶輦搜揚未獲寤寐而求以為激貪  
可以動物明誠可以感幽乃市乎死駿之貴疑作骨比飛

黃與驛駟則有權竒之類個儻之儔既淪精於一代理  
朽骨於千秋甘委土以從棄忽蕪金而見留爾其愜意  
如生沉吟未歇朔風至若聞其激揚纖塵飛想見其滅

没用已息於躡影狀猶存乎挾月匪充貨賄殊巨象之  
焚身不薦宗祧異立龜之祀骨嗟夫君之愛彼彼竟奚  
為雖云力則無展儻亦魂而有知恩實殊常誠所謂汗  
血而匪恨生如可再思所願肉骨以効竒既而視同龜  
玉之珍藏諸韞櫝之奧衆既美其惟一孰不從其所好  
於是不遠而致一作至賁然來思競選竒而往矣爭簡異  
而歸之迭進駸裏爭呈秀騏包在垠於魯頌掩食場於  
周詩豈非結之以志感之以類寸誠式孚片骨罔棄不

降階而屈身果鱗集而麋至詎比夫虞公復諫竟貪屈  
產之良漢武勞師遠取大宛之驥乃知市骨以求駿馬  
則其至成羣築臺而尊郭隗則其從如雲骨何施焉姑  
明好駿之意隗未足也且表樂賢之君至矣哉可垂規  
於典墳國家皇極立洪勲集安輪之聘尚無數側席之  
求如不及儻駿骨之已收欲騰驤而見繫

市駿骨賦

以買死招生騰方必至為韻方一作黃

韋執誼

代有良驥勤求可致上心好也固有開而必先朽骨沽



諸蓋有不期

一作求

而自至於搜延

一作馬

廐發屠肆出

千金而易之獲一骼而無棄不賈其用雖增飾而無成  
將慮其先使雄名而不墜昔之服纓玉飾軌條追長風  
而噴沫先急景而揚鑣豈知駟駿足於千里摧壯心於  
一朝權含月而共落蹄帶雪而俱銷當其死而不顧豈  
其生而可招是以服其無數守而無失外揚嘉善之名  
內作旁求之術伊希代之異產固入用而無必處南中  
之穴莫測從來遊北土之泉始將安出聿求既彰類聚

其方人獻駮驥天降此祥滅虞之役不興取諸外廐伐

燕之師不舉責自遐荒

此韻不見黃字官韻觀此集時有無官韻者不知唐制如何

蓋將翁必張期於至止俾善始而令終寧賤目而貴耳

假其力既重之於生思其勞曷輕之於死物以德易道

由人弘當不遇其知乃負車而伏櫪苟應乎其感必虬

躍而龍騰故八駿咸臻萬邦為楛物非其產將命逾遠

而來骨在於斯何惜發幣而買亦猶賢士所趣知機彙

征田忌收老以成仁卒強齊國燕昭市骨而種德乃獲

樂生覩求賢之未暢悟得駿之非輕倘長鳴之見識庶  
吾道之將行

千金市駿骨賦

以題為韻

張仲素

良金可聚駿骨難遇傳名豈限乎死生賈一作買價寧親

乎金具伊前王之善誘賴下臣之素一作遠數滿籛初訝

乎一空絕足終欣其荐赴故郭隗發求馬之術使燕昭

興築臺之務賢為國寶昔見載之於經馬以龍名後亦

表之於賦當其勤求未至思慮益專安得戀軒而就勒

空聞馳荆而刷燕多亦奚為每厭倦於凡類愛而不見  
寧惜費於且千蓋為傾心於延望之日市骨實由生之  
年其志著其謀宣非獨自馬而獲馬此實因賢而訪賢  
何異祿豐而遊士可集餌美而潛魚必懸夫其取與之  
分戒其鄙吝是非罔一作國惑孰敢妄進苟能賤貨以沽  
名果乃愜心而得駿斯骨也當填溝壑誰分天驥之上  
才縱視丹青豈辨靈疑作雲藉白馬賦祖雲螭兮螭之洪胤幸特達  
而見重使聲價之復振至若唐公驪驪穆王駮驥代勞

馳路追奔結軌陳力効能死而後已豈若稱德之際交  
義之始金侔龜形骨異象齒求馬事殊於漢日懸之數  
合於秦市智能測遠利用鈎深叶田方之念諧季札之  
心敦信外彰表然諾於匪石沉機內密重枯朽於捐金  
想夫嘶風頰影垂鬚廣韻有此字植髮雖仆質於敝帷曾受  
精於皎月蒙君子一顧之渥恩知異窮塵之委骨

飲馬投錢賦

以好善馳名叶  
乎前志為韻

王損之

昔人有暗室無欺行行路岐涉清流之蕩漾指白水以

驅馳乘匹馬而來念茲枯渴傾一囊以用投彼漣漪且  
水本無情人能誓志俯濯纓之上善控奔蹄之小駟廉  
隅是切斗升之水無多重價將酬子母之錢盡棄湯湯  
淺瀨歷歷五銖飲之而忘其量也投之而無乃甚乎同  
濟河而沉璧異濁水以求珠隱金沙之中迷於赤仄落  
蘋繁之上混彼青蚨嗟乎利已則多潔身誠鮮在一飲  
而何損投半兩而稱善鳧鷺下處對鵝眼而難分鱸鮓  
游時雜鯨文而不辨駸駸練影滴滴波聲滿腹而自資

行道墜泉而孰謂沽名郭況之家人儻來訝移金穴漢

代之賢郎或見猶認水衡浦淑縈盈汀州

不當從水已注在前

重

疊吳酌貪而難並王不言而雅叶致香醪而一醉且乏

杖頭入春溜以俱沉不漂榆莢登

一作登

明水底散亂馬

前乍似揀金之磧何殊種玉之田逐好利之徒無辭俯

拾同貫珠之子幾誤旁穿是知雅志無儔常情不到將

均勻水之直自勝飲冰之操則墜銀瓶於井底思婦徒

傷投竹杖於陂中仙翁可報賢哉項氏之心從吾所好

文苑英華卷一百三十二